

The Electronic Manipulus florum

www.manipulusflorum.com

Scriptura sacra ag cum fonte primo

Sacra scriptura

omnes sciencias

locutionis sue more transcendit quia in uno eodemque sermone, dum narrat textum, prodit misterium. Et

sicut misteriis sapientes exercet,
sic superficie simplices refouet.
Habet enim in publico unde paruulos
nutriat, et seruat in secreto unde mentes
sublimium admiratione suspendat.
Quasi quidam fluuius, ut ita
dixerim, planus et altus in quo et agnus
ambulet et elephas natet.

Mirabilis fluuius est iste qui est ita planus
quod ibi agnus, id est simplex et illitteratus,
potest siccis pedibus transire, et elephas, id est
magnus et subtilis, posset natare, immo posset
se submergere.

Gregorius in prologo moralium.

Quamuis omnem scientiam atque doctrinam
scriptura sacra
sine aliqua comparatione transcendet, ut
taceam quod uera praedicat, quod ad
caelestem patriam uocat; quod a terrenis
desideriis ad superna amplectenda cor legentis
immutat; quod dictis obscurioribus exercet
fortes et paruulis humili sermone blanditur,
quod nec sic clausa est ut pauesci debeat, nec
sic patet ut uilescat, quod usu fastidium tollit,
et tanto amplius diligitur quanto amplius
meditatur; quod legentis animum humilibus
uerbis adiuuat, sublimibus sensibus leuat,
quod aliquo modo cum legentibus crescit,
quod a rudibus lectoribus quasi recognoscitur,
et tamen doctis semper noua reperitur; ut ergo
de rerum pondere taceam,
scientias tamen omnes
atque doctrinas ipso etiam
locutionis suae more transcendit, quia uno
eodemque sermone dum narrat textum,
prodit mysterium, et
sic scit praeterita dicere, ut eo ipso nouerit
futura praedicare, et non immutato dicendi
ordine, eisdem ipsis sermonibus nouit et acta
describere, et agenda nuntiare; sicut haec
eadem beati Iob uerba sunt, qui dum sua dicit,
nostra praedicit; dumque lamenta propria per
sermonem indicat, causas sanctae Ecclesiae
per intellectum sonat.

Gregorius Magnus, *Moralia in Job*, 20, 1
(CCSL 143A, M. Adriaen ed., p.1003, ll.1-
21).

Diuinus etenim sermo
sicut myteriis prudentes exercet,
sic plerumque superficie simplices refouet.
Habet in publico unde paruulos
nutriat, seruat in secreto unde mentes
sublimium in admiratione suspendat.
Quasi quidam quippe est fluuius, ut ita
dixerim, planus et altus, in quo et agnus
ambulet et elephas natet.

Gregorius Magnus, *Moralia in Job*, ad
Leandrum, 4 (CCSL 143, M. Adriaen ed., p.6,
ll.173-178).

[fons nondum repertus]